



# Synfocity = 501

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

21<sup>st</sup> August, 2014

## □ Missionary Training College

**Senate Exam Results** : Missionary Training College chuan Senate of Serampore affiliation a hmuh hnuah, a vawikhatna atan kumin (2014) April thla khan Senate exam a hmachhawn ta a. He exam-ah hian 1<sup>st</sup>, 2<sup>nd</sup> leh 3<sup>rd</sup> year B.Miss zirlaite bakah, he Course zirzo tawh B.Miss. first batch mi 12 te nen, an vaiin mi 53-in exam an bei a. Vanneihthlak takin exam zawng zawngte hian tha takin an passed vek a ni. Amaherawh chu hei hi an result kimchang a la ni lo va, college paper an exam tawhte nen la lak kawp leh tur a ni a, zirlai tam zawk chu an grade la sang leh deuh tura beisei a ni.

**Short Course Training chungchang**: Tunlai hian MTC-ah Missionary thawklai 19 ten Short Course Training an bei mek a. Hei hi thlathum Course a ni a, October ni 7, 2014 hian farewell service neih a ni ang.

### MTC-in Course a offer mek te:

- i) *Bachelor of Missiology* : Hei hi **degree course**, kum thum zir a ni. Missionary-a thawk tura zirlaite buatsaihna a ni a, mission field-a an mamawh leh hriat tur tuldangte zirtir an ni ber. English bakah Hindi pawh uar taka zirtir a ni.
- ii) *Refresher Course* : Hei hi thla khat course, kum khatah wawi khat neih thin a ni. Missionary thawk lai, lo thawk rei deuh tawh te intuaitharna tura ruahman a ni.
- iii) *Short Course Training* : Hei hi missionary thawk mek, training la nei lote puala buatsaih thin a ni a. Thlathum course niin, kum khatah tum hnih neih thin a ni.
- iv) *Missionary Pastor Orientation*: Hei hi Pastor, mission field-a thawk tura ruatte puala buatsaih thin a ni a. Kum tin tum khat neih a ni a, Chawlhkar hnih chung vel a aw hlangpui.

Heng training course-ah te hian mission subject hrang hrang leh Pathian thu lam bakah, missionary-te mamawh tur chi hrang hrang- Medical, Mental Health, Law, Education, Indian Politics and Economics, Manners and Etiquette, Media and Communication, Financial Management, leh a dang tam tak zirtir thin a ni. Zirtirtu atan hian College Faculty bakah mithiam chi hrang hrangte tangkai taka hman thin an ni.

## □ Zin

- ◆ August 22 & 23, 2014 hian John Williams Hospital Managing Committee, Lunglei a tel turin Rev. Lalramliana Pachuau, Executive Secretary a kal ang.
- ◆ August 19 - 28, 2014 chung hian Arunachal West, Boleng Bialah Healing Crusade neihpui turin Dr. Robert S. Halliday, Superintendent, Synod Office leh Tv. C. Lalremruata, Outreach Worker te an kal.
- ◆ August 20 & 21, 2014 hian Presbyterian English School - Thingdawl, Kawnpui leh Hortoki tlawh turin Upa D.P. Biakkhuma, Supervisor of Schools leh Pu Khalhliana Ralte, Retired Principal te an kal.
- ◆ August 25 - 12 September, 2014 chung hian Lucknow leh Kolkata Mission Field Documentary Film siam turin Tv. Peter Lalanpuia leh Tv. David Lalruattluanga, Synfo Office Assistant te an kal ang.

## □ Synod Literature & Publication Board (SL&PB)

August 23 & 24, 2014 hian Lunglei Venglai Bial huapin Lunglei Venglai Kohhranah Literature Campaign neih a ni dawn a, hemi neihpui tur hian Rev. K. Lalpiangthara, SL&PB Editor, Upa H. Ronghaka, SL&PB Joint Editor leh NI. Vanhlupuii Kiangte, Soloist te an kal ang.

## □ P.C. Girls' School-ah thawktu thar

P.C. Girls' School-a thawk turin Contract Teacher pahnih lak thar an ni a, chungte chu :

1. Rebecca Lalsangpuii D/o Tluangtea Hnamte Chanmari West
2. K. Lalremsiami D/o K. Lalrozama Zemabawk

## □ Property

August 19 - 21, 2014 chung hian Lawngtlai Bookroom, STA Building leh Lunglei Hospital Building enpui turin Pu Thangliankhuma, Asst. Engineer leh Pu Lalramenga Royte, Junior Engineer te an kal.

## □ Music

August 21 & 22, 2014 hian Manipur Area buatsaihin Churachanpur-ah Zai hruai Training neih a ni a, hemi neihpui tur hian Pu Lalromawia, Senior Music Instructor leh Pu Benjamin Sailo, Music Instructor te an kal.

## □ PBS Farewell & Dedication Service

August 26, 2014 (Thawhlehi) chawhnu dar 1:00 hian Presbyterian Bible School chuan 31<sup>st</sup> Session zirlaite pualin Farewell & Dedication Service, Pi Zaii Hall, Synod Conference Centre-ah an hmang dawn a. Synod Moderator Rev. K. Lalhmuchhuakan programme a kaihrui ang a, Upa H. Zoliana, Synod Secretary-in zir chhuakte hnenah Certificate semin thuchah a sawi ang.

## □ Synod Mission Board

- ◆ August 20, 2014 (Nilaini) khan Tripura Field Committee, Agartala-ah an thu a, August 23, 2014 (Inrinni) hian Karbi Anglong Field Committee, Diphu-ah an thu leh ang. Field Committee-ah hian Rev. P.C. Pachhunga, Executive Secretary; Rev. C. Lalsangliana leh Upa F. Lalfakzuala (Board Executive Committee Member) te an kal.
- ◆ August 22 - 24, 2014 hian Cachar tlangram thawktu retreat, Winchester Boarding School Mission Compound-ah neih a ni dawn a, speaker atan Rev C. Chawngliana an hmang ang a, thupuiah 'Hma i sawn zel ang u' (Phil.3:16) tih an hmang ang.

## □ Kristian Thalai Pawl

- ◆ August 25, 2014 (Thawhtanni) zan hian Thuampui Branch KTP ten Evangelical Night an hmang dawn a, hemi hmanpui tur hian Rev. J. Lalremsiamia, Central KTP Leader a kal ang.
- ◆ August 29, 2014 (Zirtawpni) chawhnu dar 2:00 hian Synod Committee Room No. 1-ah Central KTP Committee an thu ang.
- ◆ KTP General Conference wawi 55-na thurel Gen. No. 3 - Human Trafficking chungchangah leh Mizoram pawna Mizo thalai hna leh zirna avanga chhuakte, hna leh zirna him tawk lo laka an him theih nan leh harsatna an tawh loh nan fimkhur a tulzia inzirtirna CKTP hmalaknain neih ni rawh se, tih bawhzuiin Central KTP chuan Branch tina zir tur Booklet a buatsaih fel tawh a, Bial/Branch tinah thawn chhuah mek a ni.

- **MSSU**  
August 23, 2014 (Inrinni) hian Ramhlun East Kohhranah Sunday School Zirtutu Training neih a ni dawn a, hemi neihpui tur hian T.Upa Lalhlhuna Ralte, MSSU Asst. Coordinator leh Upa B. Lalhmunliana, Bethlehem Venglai (MSSU Trainer) te an kal ang. Zan Pathian biak inkhawmah T.Upa Lalhlhuna Ralte in fanau enkawl (Child Evangelism) chungchang thuchah a sawi ang. MSSU Training hi Bethlehem Kohhrana nuho zaipawl (Hnehna Puangtute) ten an tawiawm ang.
- **Kohhran Hmeichhia**
  - ◆ August 18, 2014 khan Bethlehem Venglai Kohhranah Kristian Chhungkaw Campaign neih a ni a, hemi neihpui hian Central Kohhran Hmeichhe hruaitu Pi Parchhuaki leh Pi Maria Lalchhanhimi, Committee Members te an kal.
  - ◆ August 26 - 29, 2014 hian Presbyterian Women Fellowship (PWF) Committee, Shillong-a tel turin Pi K. Lalliantluangi (PWF Chairperson), Pi H. Lalpianthangi, Pi C. Lalneihthangi leh Pi Lalnlanmawii (PWF Standing Committee Member) te an kal ang.
- **Social Front**
  - ◆ Vawiin (Aug. 21, 2014) hian Teirei Forest tana buhfai pe turin Upa H. Lalhmingmawia, Social Front Coordinator a kal. Teirei hian August 22 - 24, 2014 hian KTP Meet an thleng dawn a, buhfai lamah harsatna an neih deuh avangin tanpuina hi pek an ni.
  - ◆ August 23, 2014 (Inrinni) hian Keitum Bial huapin Keitumkawn Kohhranah Political Education Seminar neih a ni dawn a, Resource Person atan Rev. Dr. Lawmsanga leh Rev. Vanlalrova Khiangte an hmang ang a, 'Sawrkah leh Kohhran : Mizoram' tih leh 'Ram rorelna siam chungchanga mipui mawhphurhna' tih paper zirho a ni ang.
- **Hruaina Eng FM Radio & TV Programme**
  - ◆ **AUGUST 22 (FM Zoawi Aizawl @ 7:30 p.m.) :**  
**Solo :** Chris MS Dawngkima - Kawng Min Hawn Ru, **Choir :** Khatla Kohhran Zaipawl - Fak Ru, **Thuchah :** Upa Zonunmawia - Hnathawk tura chhandam thalaite, **Solo :** Mafaki- Kan Khawvel Ni Final, **Choir :** Besy Choir - Ka inhlan e Lalpa
  - ◆ **AUGUST 22 (FM Lunglei @ 7:30 p.m.) :**  
**Solo :** Laldusaki - Van ruahtui, **Choir :** Saitual Pastor Bial Zaipawl - Lal Isua Kan Fak Tawh Ang, **Thuchah :** Lallungmuana - Lehkha zir dan tha, **Solo :** Nancy Zothanmawii - Ka lungawina, **Band :** PAUSE - Lalpa Sipai, **Choir :** Mizoram Synod Choir - Lalpa fakin kan zai ang
  - ◆ **AUGUST 24 (TV Programme @ 3:00 p.m.) :**  
**Zaipawl :** Armed Veng Bial Zaipawl - Hnehna Ropui, **Sermon :** Rev. K. Lalzuala - A chhe lai siam thatu, **Zaipawl :** Dawrpui Vengthar Kohhran Zaipawl - Ngaiteh ni ropui, **Interview :** Revd. Chuauthuama
- **Susamachar Prasaran Programme**  
**AUGUST 24 (Pathianni) 5:00 pm. Hindi Gospel Programme (Susamachar Prasaran) :**  
**Group/Choir/Solo :** Tuikual Pastor Bial - Prabhu Mere, **Group/Choir/Solo :** Melthum Masihi Sangati - Krista Zara Unau, **Sermon :** Zohmingthanga - Yeshu me chhama, **Group/Choir/Solo :** Dawrpui Vengthar Pastor Bial - Yeshu Masih, **Group/Choir/Solo :** Zemabawk Bial Masihi Sangati - Jiboner Last
- **Synod Moderator Programme**  
Synod Moderator Rev. K. Lalhmuchhuaka chuan tunkar tawpah hetiang hian hun a hmang ang :  
August 23, 2014 (Inrinni) Zan : Kelkang Vengthar Kohhran  
August 24, 2014 (Pathianni) Chawhma : Dilkawn Kohhran  
August 24, 2014 (Pathianni) Chawhnu : Buang Kohhran  
August 24, 2014 (Pathianni) Zan : Kelkang Kohhran

### KTP QUIZ HRIATTIRNA

Synod Information & Publicity Department (Synfo) chuan Aizawl khawpui Presbytery huam chungha Branch KTP te inelna tur KTP Quiz a buatsaih dawn a, **October 14, 2014** zan atangin tan a ni ang. Quiz a tel tum te chu **August 31, 2014** hmian Synfo Office-ah in report tur a ni.

#### INELNA TUR SUBJECT TE :

- 1) Bible (Mizo (Lushai) O.V. Reference) - 40% (Elimination Round -ah chuan Rom atangin zawhna siam a ni ang a, Round dangah chuan Luka te, Tirkohte Thiltih te leh Thuthlung Hlui atangin Bu khat, hei hi nakinah la tihchian tur a ni ang.)
- 2) Mizoram Presbyterian Kohhran Chanchin by Rev. Lalchhuanliana -20%
- 3) KTP Chanchin – KTP Souvenir 'Lamtluang' by CKTP – 20%
- 4) General Knowledge (Current affairs) – 20%

**Executive Secretary**  
**Synod Information & Publicity Department**

### MUSIC ADMISSION

Synod School of Music hnuaiah September - November, 2014 chung hian **Violin leh Solfa (Tonic & Staff Notation)** zir duhte tan seat dil theih a ni a.A dil duhte chuan a hnuaia tarlante hi hriat tur a ni :-

- ☞ Music Department, Synod Office atangin dilna form la chhuakin August 27, 2014 thleng dilna thehluh theih a ni. August 28, 2014-ah seat chang turte hming tarchhuah a ni ang a, zir tura thlante chuan August 28 & 29, 2014-ah Admission tih fel tur a ni.
- ☞ Dilna-ah mahni awmna Kohhran lehkha thil tel ngei tur a ni.
- ☞ Hriattur tul dang chu Application Form-ah tarlan a ni.

**REV. P.C. PACHHUNGA**  
**Executive Secretary, i/c Music**